

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**  
Služba za finansije, privredu i poljoprivredu

Broj: 05/1-11-interno-6/23  
Bihać, 12.07.2023.godine

GRADSKO VIJEĆE  
- ovdje-

PREDMET: Prijedlog Odluke o dugoročnom zaduženju Grada Bihaća

U skladu sa članom 52. tačka k) Statuta Grada Bihaća („Službeni glasnik Grada Bihaća“, broj: 13/15,13/18 i 12/22), dostavljam vam Prijedlog Odluke o dugoročnom zaduženju Grada Bihaća uz sljedeće:

***Obrazloženje***

***I. PRAVNI OSNOV ZA DONOŠENJE***

Pravni osnov za donošenje Odluke o dugoročnom zaduženju Grada Bihaća sadržan je u članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) , a u vezi sa članovima 7., 19. i 21. Zakona o dugu, zaduživanju i jamstvima u Federaciji BiH („Službene novine Federacije BiH“, broj: 86/07, 24/09, 44/10 i 30/16) i člana 35. tačka k) Statuta Grada Bihaća („Službeni glasnik Grada Bihaća“, broj: 13/15. 13/18 i 12/22).

***II. RAZLOZI ZA DONOŠENJE***

Razlozi za donošenje Odluke o dugoročnom zaduženju Grada Bihaća sadržani su u aktivnostima Gradske uprave Bihać na unapređenju finansijskog sistema. Grad Bihać je u prethodnom periodu uspostavio stabilnost finansijskog sistema uz potpuno poštivanje budžetske ravnoteže. Na tom putu provedena je racionalizacija javne potrošnje što je rezultiralo efikasnim upravljanjem javnim finansijama, efektivnom javnom potrošnjom, a koja je rezultirala smanjenjem akumuliranog deficita. U skladu sa naprijed navedenim stvorile su se mogućnosti da se približimo stabilnim novčanim tokovima.

U prethodnom period vršene su analize u iznalaženju modela finansiranja kapitalnih investicija na području grada Bihaća – izgradnja sportsko-rekreativnog bazena u sklopu školskog kompleksa „Prekounje“, pomoćnog terena, kao i eksproprijacija zemljišta za

izgradnju saobraćajnica u gradu Bihaću, a s čim ne bi ugrozili trenutnu finansijsku stabilnost. Stabilizacijom finansijskog poslovanja dobili smo i bolji položaj na tržištu kapitala, te stvorili mogućnost da u 2023.godini dobijemo kredit po još povoljnijim uslovima.

Cilj izgradnje bazena je omogućiti kvalitetnu edukaciju učenika i pružiti mogućnost rekreativnog bavljenja ovom vrstom sporta, koja nije zastupljena u gradu Bihaću od dana kada je postojeći bazen stavljen van funkcije. Uspostavljanjem terena sa umjetnom travom dobivamo još jedan sportski objekat za pružanje sportskih aktivnosti. U ovom slučaju je to prvenstveno za odvijanje nogometa. Eksproprijacijom zemljišta za izgradnju novih saobraćajnica otvorili bi nove investicije u gradu Bihaću.

Ugovorom sa komercijalnom bankom izabranom u skladu sa odredbama Zakona o javnim nabavkama BiH bit će precizirani svi bitni elementi u pogledu otplate kredita, cijene kredita i druga neophodna pitanja vezana za realizaciju kredita.

### ***III. FINANSIJSKI EFEKTI***

Finansijski efekti ove Odluke ogledaju se u činjenici da će grad Bihać, nakon realizacije Odluke o dugoročnom zaduženju, imati rashod otplate kredita. Međutim, stavljanjem u funkciju i bazena i pomoćnog terena, te potpisivanjem Ugovora sa korisnicima, na osnovu cjenovnika usluga, JU za sport, odmor i rekreaciju će ostvarivati prihode koji će biti dostatni za otplatu kredita, kao i za tekuće izdatke za održavanje izgrađenih objekata, a izgradnjom novih saobraćajnica otvorili bi određene dijelove grada gdje postoje zahtjevi za potencijalne investicije koje bi doprinijele povećanju prihoda ( komunalija, rente i itd.).

Prilog: Prijedlog Odluke o dugoročnom zaduženju Grada Bihaća

DOSTAVLJENO:

1. Naslovu
2. Službi za finansije, privredu i poljoprivredu
3. a/a

Gradonačelnik  
Elvedin Sedić

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK

Broj: 05/1-11-interno/23  
Bihać, 12.07.2023.godine

Na osnovu člana 183. stav (2) Poslovnika Gradskog vijeća Bihać („Sl. glasnik Grada Bihaća“ broj: 3/16 i 4/20) i člana 52. stav (1) tačka a) Statuta Grada Bihaća („Sl. glasnik Grada Bihaća“ broj 13/15 i 13/18), Gradonačelnik u svojstvu predlagača propisa i drugih akata

### ODREĐUJE

Izjestioca: Jasminu Ćoralić, pomoćnika Gradonačelnika za Službu za finansije, privredu i poljoprivredu, na \_\_\_\_\_ sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o dugoročnom zaduženju Grada Bihaća



Gradonačelnik  
Elvedin Sedić

Na osnovu člana 67. Zakona o budžetima u Federaciji Bosne i Hercegovine („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) , a u vezi sa članovima 7., 19. i 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16) i člana 35. tačka k) Statuta Grada Bihaća („Službeni glasnik Grada Bihaća“, broj: 13/15, 13/18 i 12/22), Gradsko vijeće Bihać na \_\_\_sjednici održanoj dana \_\_.\_\_.2023. godine, donosi:

PRIJEDLOG

**ODLUKU**  
o dugoročnom zaduženju Grada Bihaća

Član 1.

Ovom Odlukom Gradsko vijeće Grada Bihać daje saglasnost na dugoročno zaduženje Grada Bihaća u ukupnom iznosu do 3.000.000,00 KM (slovima: trimilionakonvertibilnihmaraka i 00/100).

Član 2.

Kreditna sredstva iz člana 1. ove Odluke, koristit će se za finansiranje kapitalnih investicija u Budžetu Grada Bihaća za 2023.godinu.

Član 3.

(1) Uslovi pod kojima će Grad Bihać sklopiti Ugovor o kreditnom zaduženju su:

- iznos kredita: 3.000.000,00 KM
- rok otplate: 5 godina
- osiguranje kredita: mjenice
- uz najpovoljnije: kamatnu stopu i troškove obrade kredita.

(2) Ostali uslovi u pogledu otplate kredita, cijene kredita, regulisat će se Ugovorom između Grada Bihaća i najpovoljnije komercijalne banke, koja će biti izabrana u skladu sa odredbama Zakona o javnim nabavkama BiH („Službeni glasnik BiH“ broj: 39/14 i 59/22).

Član 4.

(1) Otplata kredita (glavnice i kamate) će se vršiti iz Budžeta Grada Bihaća.

(2) Servisiranje duga – otplata kredita, vršit će se na osnovu Ugovora i otplatnog plana sa odabranim kreditorom.

(3) Grad Bihać će svojim Budžetom, u periodu otplate kredita, planirati sredstva namijenjena urednom servisiranju istog.

## Član 5.

(1) Oovlašćuje se Gradonačelnik da u skladu sa odredbama člana 3. ove Odluke, zaključi Ugovor o kreditnom zaduženju sa izabranim kreditorom.

(2) Daje se saglasnost Gradonačelniku da potpisuje sva potrebna dokumenta vezana za realizaciju ovog kreditnog aranžmana, uključujući i potrebne garancije.

## Član 6.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće  
Broj:  
Bihać,

Predsjedavajući Gradskog vijeća  
Zulfikar Handukić